

摘藻堂四庫全書薈要

史部

欽定大清會典卷七十九

理藩院

尚書一人左右侍郎各一人

均滿洲或以蒙古補授

額外

侍郎一人

特簡蒙古貝勒貝子之賢能者任之

掌內外藩蒙古回

部之政令控馭撫綏以固邦翰所屬有旗籍王

會典屬柔遠徠遠理刑六司

旗籍清吏司郎中滿二人蒙古一人員外郎滿

三人蒙古四人主事蒙古一人掌蒙古科爾沁
等諸部落封爵會盟及歸化城索倫除授官校
之事

王會清吏司郎中滿洲蒙古各一人員外郎滿
三人蒙古二人主事滿洲蒙古各一人掌科爾
沁等諸部落朝貢祿賜之事

典屬清吏司郎中滿洲蒙古各一人員外郎滿
五人蒙古四人主事滿洲蒙古各一人掌喀爾

喀及西徵蒙古厄魯特諸部落封爵會盟準疆屯田游牧察哈爾喇嘛番僧承襲之事

柔遠清吏司郎中滿一人員外郎滿二人蒙古三人主事蒙古一人掌喀爾喀等部落及喇嘛番僧朝貢祿賜之事

徠遠清吏司郎中蒙古一人員外郎滿洲蒙古各二人主事滿洲蒙古各一人掌哈密吐魯番及回部諸城爵祿貢賦並移駐回民耕牧之事

理刑清吏司郎中滿洲蒙古各一人員外郎滿
洲蒙古各三人主事滿一人掌蒙古及番回刑
罰之事

銀庫司官二人

於本院司
官內奏委

司庫滿一人筆帖式

滿二人庫使滿二人掌帑金出納

蒙古繙譯房員外郎主事各一人

於本院司
官內簡委

唐古忒學司業助教各一人筆帖式蒙古四人

稽察內館外館二人

由科道各部
司官內奏委

堂主事滿二人蒙古三人漢軍一人○譯書漢

文堂主事滿洲漢軍各一人校正漢文官二人

於內閣翰林院侍讀學士

侍讀內奏委每三年更代

司務滿洲蒙古各一人

筆帖式滿三十六人蒙古五十五人漢軍六人

分隸各司視事之繁簡以為額

旗籍清吏司

國家肇基東土威德遠播漠南蒙古諸部落或誼

屬戚畹或著有勲績或率先歸附咸奉其土地
人民比於內臣設官分職編戶比丁與八旗無
異

定鼎以來屏藩攸寄帶礪之封爰及苗裔錄功存舊
事隸所司

凡疆理科爾沁等二十五部落之地東至

盛京黑龍江西至厄魯特南至長城北至朔漠表

延萬有餘里○科爾沁東至扎賴特西至扎魯

特南至

盛京邊牆北至索倫東西八百七十里南北二千一百里至京千二百八十里○扎賴特東至杜爾伯特西與南均至郭爾羅斯北至索倫東西六十里南北四百里至京二千有十里○杜爾伯特東至黑龍江西至扎賴特南至郭爾羅斯北至索倫東西百七十里南北二百四十里至京二千五十里○郭爾羅斯東至吉林西與北

均至科爾沁南至邊牆東西四百五十里南北
六百六十里至京千八百九十七里○敖漢東
至奈曼西至喀喇沁南至土默特北至翁牛特
東西百六十里南北二百八十里至京千有十
里○奈曼東至喀爾喀左翼西至敖漢南至土
默特北至翁牛特東西九十五里南北二百二
十里至京千一百十里○翁牛特東至阿祿科
爾沁西至

熱河禁地南至喀喇沁及敖漢北至巴林及克西
克騰東西三百里南北百六十里至京七百六
十里○巴林東至阿祿科爾沁西至克西克騰
南至翁牛特北至烏朱穆秦東西二百五十一
里南北二百二十三里至京九百六十里○扎
魯特東至科爾沁西至阿祿科爾沁南至科爾
沁及喀爾喀左翼北至烏朱穆秦東西百二十
五里南北四百六十里至京千五百十里○喀

爾喀左翼東至科爾沁西至奈曼南至土默特
北至扎魯特及翁牛特東西百二十五里南北
二百三十里至京千二百十里○阿祿科爾沁
東至扎魯特西至巴林及翁牛特南至喀爾喀
左翼北至烏朱穆秦東西百三十里南北四百
二十里至京千三百四十里○克西克騰東至
翁牛特及巴林西至正藍旗游牧察喀爾及高
齊忒南至翁牛特北至烏朱穆秦東西三百三

十四里南北三百五十七里至京八百十里○
土默特東至

盛京養什木西至喀喇沁南至邊牆北至敖漢及
喀爾喀左翼東西四百六十里南北三百十里
至京千里○喀喇沁東至土默特及敖漢西至
正藍旗王屯界南至邊牆北至翁牛特東西五
百里南北四百五十里至京七百六十里○烏
朱穆秦東至索倫西至蒿齊忒南至巴林北至

瀚海東西三百六十里南北四百二十五里至
京千一百六十三里○阿霸垓東至阿霸哈納
爾西至蘓尼特南至正藍旗游牧察哈爾北至
瀚海東西二百里南北三百十里至京千里○
蒿齊忒東與北均至烏朱穆泰西至阿霸垓南
至克西克騰東西百七十里南北三百七十五
里至京千一百八十五里○蘓尼特東至阿霸
垓西至四子部落南至正藍旗游牧察哈爾北

至瀚海東西四百有六里南北五百八十里至
京九百六十里○阿霸哈納爾東至蒿齊忒西
至阿霸垓南至正藍旗游牧察哈爾北至瀚海
東西百八十里南北四百三十六里至京九百
六十里○四子部落東與北均至蘓尼特西至
歸化城土默特及喀爾喀右翼南至鑲紅旗游
牧察哈爾東西二百三十五里南北二百四十
里至京九百六十里○喀爾喀右翼東至四子

部落西至毛明安南至歸化城土默特北至瀚
海東西百二十里南北百三十里至京千一百
三十里○吳喇忒東至毛明安及歸化城土默
特西至鄂爾多斯南至黃河北至喀爾喀右翼
東西二百十有五里南北三百里至京千五百
二十里○毛明安東至喀爾喀右翼西至吳喇
忒南至歸化城土默特北至瀚海東西百里南
北百九十里至京千二百四十里○鄂爾多斯

東至歸化城土默特西至喀爾喀右翼北至吳
喇忒三面距河南至陝西界長城是爲河套自
山西偏關縣界至陝西寧夏衛袤延二千餘里
至京千一百里○歸化城土默特東至四子部
落西至鄂爾多斯南至山西界長城北至喀爾
喀右翼及毛明安東西四百有三里南北三百
七十里至京千一百六十里

凡旗制科爾沁六旗扎賴特杜爾伯特均一旗

郭爾羅斯二旗教漢奈曼均一旗翁牛特巴林

扎魯特均二旗喀爾喀左翼阿祿科爾沁克西

克騰均一旗土默特二旗喀喇沁三旗烏朱穆

秦阿霸亥蒿齊忒蘇尼特阿霸哈納爾均二旗

四子部落喀爾喀右翼均一旗吳喇忒三旗毛

明安一旗鄂爾多斯七旗歸化城土默特二旗

凡封爵親王郡王貝勒貝子公

鎮國公
輔國公

為五等

秩視宗藩世襲罔替自扎薩克外皆屬散秩公

主之子親王之子弟授一等台吉

惟土默特左翼喀喇沁全

部稱塔布囊○凡言台吉者塔布囊同後仿此

郡主之子郡王貝勒之

子弟二等縣主郡君縣君之子貝子公之子弟

三等台吉之子弟槩授四等均品如其等族十

八歲入班供職若簡用扎薩克則秩皆一等應

襲爵之親王長子秩視公郡王貝勒長子視一

等台吉貝子公長子視二等如長子不稱襲爵

於餘子內擇其優者報院奏

聞屆期承襲○科爾沁親王郡王各四人貝勒二人
貝子一人鎮國公二人輔國公六人扎賴特貝
勒一人杜爾伯特貝子一人郭爾羅斯鎮國公
輔國公一等台吉各一人敖漢郡王二人貝子
一人輔國公二人奈曼郡王一人翁牛特郡王
貝勒貝子鎮國公各一人巴林郡王一人貝子
二人輔國公一人扎魯特貝勒二人鎮國公一
人喀爾喀左翼貝勒一人阿祿科爾沁貝勒一

人克西克騰一等台吉一人土默特貝勒貝子
各一人附喀爾喀貝勒一人喀喇沁郡王一人
貝子二人鎮國公一人輔國公二人一等塔布
囊一人烏朱穆秦親王貝勒鎮國公輔國公各
一人阿霸垓郡王二人貝子輔國公各一人蒿
齊忒郡王二人蘓尼特郡王二人貝勒輔國公
各一人阿霸哈納爾貝勒貝子各一人四子部
落郡王一人喀爾喀右翼貝勒一人貝子二人

鎮國公一人吳喇忒鎮國公二人輔國公一人
毛明安貝勒一等台吉各一人鄂爾多斯郡王
一人貝勒二人貝子三人輔國公一等台吉各
一人歸化城土默特輔國公一人

凡

冊誥親王郡王貝勒受封

賜

冊貝子公以下

賜

誥命各赴

闕祇領有故不能來者報院遣官齎送遺失者罪
之因水火盜賊失毀者準復給

凡譜系蒙古諸部落世次及

錫封根源備載於冊藏諸

內府十年一修換出舊冊

凡儀從親王銷金赤纈二纛二小旗十典儀四

品五品各一人郡王銷金赤繖一纛一小旗八
典儀五品六品各一人貝勒赤繖一纛一小旗
六典儀五品一人貝子赤繖一小旗六典儀六
品一人公旗繖與貝子同典儀七品一人王貝
勒貝子公冠服及長史司儀長護衛之制悉視
宗藩惟馬韁非奉

特賜不得用金黃紫色台吉冠服各從其品都統以
下官校視在內都統副都統叅佐領驍騎校各

殺一級

凡軍功王貝勒貝子公量功議叙台吉得一等功牌六次以上者為一等三次以上者為二等一二次者為三等得二等功牌二次以下者槩為四等○蒙古人以軍功

賜達爾漢號者以功之大小別承襲之差等世襲者秩視都統雖世襲而功稍次者視副都統襲六次五次四次者視叅領襲三次二次及授本身

者視佐領

凡設官科爾沁等二十五部落五十一旗每旗
扎薩克一人或繫世管或由

簡任不拘爵秩協理旗務二人或四人以王貝勒貝
子公台吉為之每百有五十丁設佐領一人驍
騎校一人領催六人驍騎五十人六佐領設叅
領一人佐領多者設都統一人副都統二人十
佐領以下設都統副都統各一人都統副都統

於本旗台吉內遴選以原爵兼任如台吉內無
人於叅領內遴選叅領於佐領內遴選佐領於
驍騎校內遴選以次遞升驍騎校領催選丁男
有力者充補自都統以下有年老殘疾或才不
勝任者罷之均由扎薩克秉公黜陟報院彙奏
以

聞○歸化城土默特副都統一入隸綏遠城將軍分
翼其叅領佐領驍騎校及防禦等官均由該將

軍等遴選擬定正陪送院引

見補授○圍場總管一人翼長二人五品官驍騎校
各八人○八溝駐劄司官一人筆帖式一人○
烏蘭哈達三座塔駐劄司官各一人

凡移駐內地之索倫達虎里總管副管佐領驍
騎校等官由黑龍江將軍遴選正陪送院引
見補授

凡會盟簡稽軍實巡閱邊防清理刑名編審丁

冊每三年疏列領侍衛內大臣散秩大臣一等
侍衛滿九卿八旗都統副都統前鋒護軍統領
暨本院尚書侍郎請

簡命四人率刑部暨本院司官筆帖式齋

勅以往各扎薩克以時赴盟長所在罰後至者科爾
沁扎賴特杜爾伯特郭爾羅斯四部落十旗為
一會盟於哲里穆教漢奈曼翁牛特巴林扎魯
特喀爾喀左翼阿祿科爾沁克西克騰八部落

十一旗為一會盟於召烏達喀喇沁土默特二
部落五旗為一會盟於卓索圖烏朱穆秦阿霸
亥蒿齊忒蘇尼特阿霸哈納爾五部落十旗為
一會盟於錫林郭爾四子部落喀爾喀右翼吳
喇忒毛明安四部落六旗為一會盟於烏蘭察
布鄂爾多斯七旗為一會盟於伊克召每會設
盟長副盟長各一人歸化城土默特會盟集於
本城不設盟長聽

簡命大臣裁決

凡軍紀一旗戰卻一旗力戰在戰卻旗分分一
佐領人丁給力戰之旗各旗皆戰一旗戰卻一
旗之王貝勒等皆降為庶人所屬佐領盡數徹
出散給各旗之力戰者若一旗之內力戰者半
戰卻者半戰卻之王貝勒等降為庶人所屬佐
領盡給本旗之力戰者若各旗未及整備而一
旗獨先衝鋒斬獲立功者按功之大小獲之多

寡分別給賞

凡軍器自親王以下均不得私藏甲冑弓橐鍵
刀槍過二十鳥槍過十矢過千硫黃硝過三十
斤者皆奏

聞購買頒給信票沿途察驗放行不及前數者由院
轉行兵部給票違者論如法

凡比丁每三年由

簡命會盟之大臣會同盟長編審如停止

簡命由各扎薩克具冊送院以

聞以周知蒙古人丁之數丁男年十八以上六十以下者皆入冊老疾除名隱匿者罪之每三丁共一驍騎遇有征伐以二丁遣戰一丁留家壯丁不務本業私投喇嘛為徒及為伍巴什者罪之婦女非年老殘疾不得為齊巴罕察

凡戶口以籍為憑乏嗣者告明佐領於族內擇繼族內無人方準乞養異姓不得私自繼立絕

戶家產聽扎薩克充公用

凡族長每族各設一人擇有行誼能任事者為之台吉以下有不率者則舉以告

凡什長十家設立一人視十家有無違法以別功過不設什長者王以下議罰有差

凡力役親王隨丁六十郡王五十貝勒四十貝子三十五公三十一等台吉十有五二等台吉十有三等台吉八四等台吉四固倫額駙四

十和碩額駙三十多羅額駙二十都統四副都
統二叅領佐領各一均於所屬人丁內選擇使
令兼任者不重給○親王守墓十戶郡王八戶
固倫公主與郡王同貝勒貝子各六戶和碩公
主郡主與貝勒同公四戶郡君與公同縣君鄉
君從夫之爵

凡婚姻以時嫁娶聘物以馬二牛二羊二十為
率少者聽多者罰聘定後壻故全還女故還半

王以下有悔婚奪娶者罰如例

凡徵收所屬畜產二十而取一有乳牛五者納
酥羊成羣者納羶丁至百戶以上出車一牛一
馬一濫徵者禁

凡寄籍內地人民寄居蒙古部落所在部長察
明耕種貿易踪跡無可疑者給與印票安置其
地有專理民事之官則會同察覈並取鄉長總
甲牌頭甘結存案

凡游牧近山河者以山河為界無山河者設鄂

博

壘石為址
曰鄂博

為界越界游牧者王以下議罰有

差

凡採捕各依界限毋得越境滋事私入禁地採
捕者逐令遷移仍治以罪○索倫捕貂者計丁
貢貂貂分三等賞賜有差

凡汛地各設斥堠以資防禦有關隘者以時啓
閉詰姦宄禁逃亡兵弁有曠誤者罰無赦

凡郵政每百里為一傳自喜峯口至扎賴特置

郵十有六

土默特奈曼喀爾喀左翼科爾沁由山海關外郭爾羅斯杜爾伯特由黑

龍江大路均無

廊別設驛傳自古北口至烏朱穆秦置郵九

自獨石口至蒿齊忒置郵六自張家口至四子

部落置郵五自殺虎口至吳喇忒置郵九又自

歸化城至鄂爾多斯置郵八

仍為殺虎口路

均於水泉

形勢之地安設○驛官五路各設員外郎一人

由本院司官內奏委司其事筆帖式一人佐之

均三年任滿更代○驛丁喜峯口六百名古北口三百名獨石口四百五十名張家口五百五十名殺虎口七百五十名均於各路窮戶內選充○驛騎每一傳馬五十匹每年均以三分報銷疲乏發帑買補○驛使計程在千里以內者乘官馬千里以外及奉要差不計程途均乘驛馬仍以使臣之品級為差

王會清吏司

漠南蒙古諸部落每歲

朝覲修貢惟謹燕饗

賜予舍館饗餼之禮分隸所司

凡朝期歲以十二月十有五日後二十五日前

咸集

凡朝儀王以下均行三跪九叩禮奉

制書亦如之

凡來朝班次扎薩克暨散秩王公分為三班周

而復始一班哲里穆會盟內科爾沁親王郡王
貝勒鎮國公輔國公郭爾羅斯一等台吉各一
人召烏達會盟內敖漢郡王輔國公翁牛特貝
勒巴林郡王貝子各一人卓索圖會盟內土默
特貝子喀喇沁貝子各一人輔國公二人一等
塔布囊一人錫林郭爾會盟內蘓尼特郡王貝
勒阿霸垓郡王貝子蒿齊忒郡王阿霸哈納爾
貝勒烏朱穆秦貝勒鎮國公輔國公各一人烏

蘭察布會盟內吳喇忒輔國公一人伊克召會
盟內鄂爾多斯貝勒輔國公各一人歸化城土
默特輔國公一人二班哲里穆會盟內科爾沁
親王郡王各一人輔國公三人扎賴特貝勒郭
爾羅斯鎮國公輔國公各一人召烏達會盟內
翁牛特郡王鎮國公扎魯特貝勒鎮國公喀爾
喀左翼貝勒教漢貝子巴林貝子輔國公各一
人卓索圖會盟內喀喇沁郡王鎮國公各一人

錫林郭爾會盟內高齊忒郡王蘓尼特郡王阿
霸哈納爾貝子各一人烏蘭察布會盟內四子
部落郡王毛明安貝勒一等台吉喀爾喀右翼
貝子吳喇忒鎮國公各一人伊克召會盟內鄂
爾多斯郡王一人貝子二人一等台吉一人三
班哲里穆會盟內科爾沁親王郡王各二人貝
勒貝子鎮國公各一人輔國公二人杜爾伯特
貝子一人召烏達會盟內敖漢郡王輔國公奈

曼郡王阿祿科爾沁貝勒扎魯特貝勒翁牛特
貝子克西克騰一等台吉各一人卓索圖會盟
內土默特貝勒附喀爾喀貝勒喀喇沁貝子各
一人錫林郭爾會盟內烏朱穆秦親王阿霸垓
郡王輔國公蘓尼特輔國公各一人烏蘭察布
會盟內喀爾喀右翼貝勒貝子鎮國公吳喇忒
鎮國公各一人伊克召會盟內鄂爾多斯貝勒
貝子各一人散秩台吉願隨入覲者視其旗台

吉多寡分班來朝有千餘人者每次不得過二百人五百餘人者不得過百人二三百人者不得過六十人如扎薩克有故不能入覲者酌遣所屬台吉代覲

凡位次親王郡王貝勒貝子公在宗室親王郡王貝勒貝子公之下一二等台吉在內大臣之下其次為子又其次為三等台吉又其次為都統又其次為四等台吉又其次為副都統又其

次為叅領佐領其男以下雲騎尉以上各依品級

凡貢道科爾沁扎賴特杜爾伯特郭爾羅斯由山海關土默特喀喇沁敖漢奈曼扎魯特阿祿科爾沁翁牛特喀爾喀左翼由喜峯口烏朱穆秦巴林阿霸垓蒿齊忒阿霸哈納爾克西克騰由獨石口四子部落蘓尼特毛明安喀爾喀右翼由張家口吳喇忒歸化城土默特鄂爾多斯

由殺虎口均馳驛往來

凡貢物每旗進羊一羴乳酒一埕

凡燕饗以歲除日新正十四日十五日各

賜燕一次餘日五旗王府各設燕一次自王貝勒以

下至長史護衛等官咸與焉

儀詳
禮典

凡賞賚親王白金四百三十兩各部
落同惟科爾沁親王五百有二兩郡王三百十有七兩各部
落同惟科爾沁扎薩克圖郡王三百九十兩

貝勒二百三十八兩貝子百五十兩公一百十
有七兩掌旗務台吉七十六兩散秩台吉一二
品者六十三兩三四品者五十三兩

凡廩給視從多寡以為差固倫公主五十人
和碩公主四十人郡主三十五人縣主三十人
郡君二十五人縣君二十人鄉君十人宗室女
八人公主郡主額駙各二十五人縣主額駙二
十人郡君額駙十有五人縣君額駙十人鄉君

額駙六人親王四十人郡王三十五人貝勒三十人貝子二十五人公二十人掌旗務台吉十人公主子孫及有戚誼之台吉六人散秩台吉二人都統子副都統男各與散秩台吉同長史叅佐領騎都尉雲騎尉各一人餼羊按日散給薪米之屬代以白金

凡牧芻固倫公主養馬四十五坐馬十有五和碩公主養馬四十坐馬十有三郡主養馬三十

五坐馬十縣主養馬三十坐馬八郡君養馬二
十五坐馬六縣君養馬二十坐馬四鄉君養馬
八宗室女養馬六坐馬各三公主郡主額駙養
馬各二十五坐馬各六縣主郡君額駙養馬各
二十坐馬各四縣君額駙養馬十坐馬三鄉君
額駙養馬六坐馬一親王養馬四十坐馬十有
五各部落同惟科爾沁三親王養馬各四十五
坐馬同郡王養馬三十五坐馬十貝勒養馬三

十坐馬八各部落同惟科爾沁一貝勒養馬四
十五坐馬十有五貝子養馬二十五坐馬六公
養馬二十坐馬四掌旗務台吉養馬十坐馬三
公主子孫及有戚誼之台吉養馬坐馬亦如之
散秩台吉養馬六坐馬一都統以下養馬四叅
領以下養馬二坐馬各一領催驍騎各坐馬一
並給牧芻之費

凡路費視程途遠近按日給發科爾沁親王及

一貝勒往來給費餘惟歸途給之自散秩台吉
以下止給其身不及僕從

凡俸幣固倫公主俸千兩幣三十和碩公主俸
二百兩幣十有二郡主俸百五十兩幣十縣主
俸百兩幣八郡君俸五十兩幣六縣君俸四十
兩幣五鄉君俸三十兩幣四固倫公主額駙俸
三百兩和碩公主額駙俸二百兩均幣九郡主
額駙俸百兩幣八縣主額駙俸五十兩幣五郡

君額駙俸四十兩幣四縣君額駙俸三十兩幣
三親王俸二千兩幣二十五各部落同惟科爾
沁三親王俸各二千五百兩幣各四十郡王俸
千二百兩幣十有五惟科爾沁一郡王俸千五
百兩幣二十貝勒俸八百兩幣十有三貝子俸
五百兩幣十鎮國公俸三百兩幣九輔國公俸
二百兩幣七掌旗務台吉俸百兩幣四

乾清門一等台吉俸百兩二等八十兩三等六十

兩四等四十兩其子男輕車都尉雲騎尉等俸
各視八旗世爵減半

凡尚主者或過主先薨逝如未別娶仍稱額駙
給以俸幣已別娶者停止

凡賑卹各部落偶遇歲荒扎薩克設法養贍不
足告盟長協濟再不足會報到院奏請發帑並
豫支王以下次年俸金以濟其乏

欽定大清會典卷七十九

欽定四庫全書

總校官候補中書臣吳紹業

校對官檢討臣郭寅

謄錄監生臣茹漢

欽定四庫全書薈要

史部

欽定大清會典卷八十一

八十一


詳校官編修臣繆晉



欽定大清會典卷八十

理藩院

典屬清吏司


國初蒙古北部喀爾喀三汗同時納貢厥後朔漠

蕩平庇我宇下與漠南諸部落等承平以來懷
柔益遠北踰瀚海西絕羌荒青海厄魯特西藏
準噶爾之地咸入版圖其封爵會盟屯防游牧

諸政事厥有專司

凡疆理喀爾喀後路土謝圖汗部東至肯特山
接車臣汗部界西至翁金河接賽因諾顏部界
南至瀚海通蘇尼特界北接俄羅斯界至京二
千八百里○喀爾喀東路車臣汗部東至厄爾
得尼拖羅海西至插漢齊老臺南至他爾袞柴
達木北至翁都爾罕至京三千五百里○喀爾
喀西路扎薩克圖汗部東至翁克西爾哈兒朱

忒西至喀喇烏蘇俄落克諾兒南至阿爾察喀

喇托輝北至推河接賽因諾顏部界至京四千

里○喀爾喀賽因諾顏扎薩克親王部東至博

羅布爾哈蘇鄂倫西至庫爾薩牙索郭圖厄格

嶺南至車車爾齊克北至齊老圖河至京三千

里○青海

即庫庫諾爾

四部落東至陝西西寧洮岷

邊境西至西藏南至四川松潘北至肅州安西

府表延二千餘里至京五千七十里○賀蘭山

厄魯特東至陝西寧夏西至甘州南至涼州各

府邊境北至瀚海表延七百里至京五千里○

烏蘭烏蘇厄魯特

一旗舊駐喀爾喀河
一旗舊駐達拉爾河

推河厄

魯特

舊駐喀爾喀河

屬喀爾喀賽因諾顏部轄疆理同

○額濟內土爾古特東至古爾鼎西至陝西肅

州邊境南至三岔河北至坤都崙湖表延八百

里至京五千里○都爾伯特

舊屬渾噶爾四衛拉特之一

原

駐額爾齊斯因資其耕牧移其部於烏蘭古木

在喀爾喀疆理之內○烏魯木齊東至巴里坤
東南接闡展界西至博羅塔拉西南接伊犁界
南至天山踰山接哈拉沙拉界北至塔爾巴哈
台通俄羅斯界東北至額爾齊斯西北至齋爾
通哈薩克界至京九千八百九十里○伊犁東
至闡展西至吹塔拉斯南至天山踰山接回部
諸城界北至烏魯木齊通哈薩克界至京萬八
百二十里○游牧察哈爾東至克西克騰西至

歸化城土默特南至太僕寺牧場及山西大同朔平二府邊境北至蘇尼特及四子部落袁延千有餘里至京千里○西藏之地有四曰衛曰藏曰喀木曰阿里轄六十餘城東至四川邊境西至大沙海南至雲南邊境北至青海東西六千四百餘里南北六千五百餘里至京萬四千餘里

凡旗制喀爾喀四部落後路土謝圖汗部二十

旗

本旗外所屬十有九旗下仿此

東路車臣汗部二十三旗西

路扎薩克圖汗部十有七旗賽因諾顏扎薩克

親王部二十二旗青海四部落厄魯特二十一

旗回特三旗土爾古特四旗喀爾喀一旗

部各散處

不分畛域

賀蘭山厄魯特一旗烏蘭烏蘓厄魯特二

旗推河厄魯特一旗額濟內土爾古特一旗都

爾伯特十有四旗游牧察哈爾八旗

凡封爵喀爾喀後部土謝圖汗一人親王二人

郡王一人貝勒二人輔國公七人一等台吉八
人東部車臣汗一人親王郡王各一人貝勒貝
子各二人鎮國公輔國公各三人一等台吉十
有三人西部扎薩克圖汗一人貝勒一人鎮國
公三人輔國公六人一等台吉九人賽因諾顏
部扎薩克親王一人親王一人郡王二人世子
一人貝勒二人鎮國公二人輔國公八人一等
台吉九人青海親王一人郡王三人貝勒一人

貝子二人鎮國公一人輔國公五人一等台吉
十有六人賀蘭山厄魯特貝勒一人鎮國公二
人烏蘭烏蘓厄魯特貝子二人推河厄魯特一
等台吉一人額濟內土爾古特貝勒一人都爾
伯特特古斯庫魯克汗一人親王郡王各一人
貝勒二人貝子四人輔國公二人一等台吉五
人西藏輔國公三人一等台吉一人噶卜倫四
人內一人即以
輔國公為之代貢五人第巴三人堪布一人

凡

冊誥儀從品服悉如定制

詳典屬司

凡設官每旗設扎薩克一人以汗王貝勒貝子
公台吉等為之所屬都統副都統叅領佐領驍
騎校等官並與漠南諸蒙古同○喀爾喀四部
落蒙古副將軍四人叅贊四人都爾伯特左右
翼副將軍二人○游牧察哈爾都統一入副都
統二人總管八人理事員外郎十有六人

凡駐劄喀爾喀軍營定邊左副將軍一人叅贊

大臣無定員○烏里雅蘇臺叅贊大臣一人筆

帖式一人○庫倫恰克圖司官各一人○蒙古

副將軍筆帖式八人○西寧大臣一人司官一

人筆帖式三人○烏魯木齊提督一人

以安西提督移

駐原設之大臣副都統
侍衛移於雅爾駐劄

○伊犁將軍一人叅贊

大臣領隊大臣暨侍衛無定員○西藏大臣二

人司官一人筆帖式二人

凡會盟喀爾喀土謝圖汗部二十旗為一會盟
於汗阿林車臣汗部二十三旗為一會盟於克
魯倫巴爾河屯扎薩克圖汗部十有七旗為一
會盟於扎克畢賴塞欽畢都里也諾爾賽因諾
顏部二十二旗為一會盟於齊齊爾里克以飭
邊防訓士伍簡軍實及比丁讞獄各副將軍歲
於所部舉行間歲則以土謝圖汗車臣汗两部
落為東路扎薩克圖汗賽因諾顏两部為西

路遣軍營叅贊大臣二人分往會覈統聽定邊
左副將軍裁決青海厄魯特聽西寧駐劄大臣
都爾伯特聽定邊左副將軍游牧察哈爾聽都
統各裁決具疏以

聞

凡防守烏魯木齊以安西提督率所屬標兵移
駐伊犁以滿洲索倫席伯察哈爾厄魯特兵駐
守屯田用綠旗兵官給地畝籽種口糧歲獲悉

以輸官留充兵餉

伊犁移駐回民屯政詳徠遠司

凡互市庫倫設市一通喀爾喀貿易恰克圖設市一通俄羅斯貿易其來京貿易之期以子辰申年並令簡約與從從經紀貿易限八十日啓行

凡駐牧呼倫布俞爾之巴爾虎設總管副管佐領驍騎校等官由黑龍江將軍遴選正陪送院引

見補授

凡喇嘛道行至高者曰胡圖克圖轉世者曰胡畢爾汗其秩之貴者曰國師曰禪師次曰扎薩克大喇嘛副扎薩克大喇嘛扎薩克喇嘛又次曰大喇嘛副喇嘛閒散喇嘛扎薩克喇嘛以上給印餘給劄付其徒有德本齊格思規格隆班第之差陝甘洮岷諸寺住持番僧曰都綱曰僧綱曰僧正各給劄付有不守戒規者論如法○

京師總管喇嘛班第扎薩克大喇嘛一人副扎薩
克大喇嘛一人扎薩克喇嘛四人大喇嘛十有
八人副喇嘛七人間散喇嘛十人○歸化城扎
薩克大喇嘛一人副扎薩克大喇嘛一人扎薩
克喇嘛六人多倫諾爾扎薩克大喇嘛一人大
喇嘛二人副喇嘛一人○

盛京寶勝寺大喇嘛一人永安寺大喇嘛一人瑪
哈噶喇樓大喇嘛二人東西南北四塔大喇嘛

各一人○西勒圖庫倫扎薩克大喇嘛一人扎

薩克喇嘛四人○西安廣仁寺大喇嘛一人○

五臺山扎薩克喇嘛一人射虎川臺麓寺大喇

嘛一人

屬五臺山扎薩克喇嘛管轄

○科爾沁以下二十四

部落大喇嘛各一人○西寧大喇嘛察汗諾們

汗一人○松山報恩寺大喇嘛達克隆胡圖克

圖一人○紅山堡報恩寺都綱一人○河州普

綱寺靈慶寺弘化寺都綱各一人○西寧縣西

那寺塔爾寺扎藏寺元覺寺沙衝寺仙密寺佑
寧寺僧綱各一人○碾伯縣瞿曇寺弘通寺羊
爾貫寺普化寺僧綱各一人○大同衛廣化寺
僧綱一人○歸德所二疊闡寺僧綱一人○洮
州衛禪定寺國師一人停繫垂巴廟瑪尼寺著落
族僧綱各一人閭家寺龍元寺圓成寺僧正各
一人

凡慶祝禮

即丹舒克

西藏達賴喇嘛暨班臣額爾德

尼閒年一進喀爾喀澤卜尊丹巴胡圖克圖遇
國家有大慶典則進貢物有佛像金經銀塔五色
帕八吉祥之屬各具奏書遣使以

聞達賴喇嘛班臣額爾德尼於慶祝之外別具壽帕
珊瑚琥珀數珠藏香氍毹以貢貢使還國均降
勅慰問賜金幣有差

柔遠清吏司

國家聲教所被無遠弗届大漠以北流沙以西諸

部君長稽首偕來畫疆置吏有如郡縣其來朝
述職諸政事分隸本司

凡朝覲喀爾喀厄魯特及駐劄額濟內之土爾
古特分四班一班扎薩克圖汗及部內貝勒一
人一等台吉三人土謝圖汗部內親王一人輔
國公三人一等台吉二人車臣汗部內貝子輔
國公各一人一等台吉二人賽因諾顏部內郡
王世子輔國公一等台吉各一人土爾古特貝

勒烏蘭烏蘓厄魯特貝子賀蘭山厄魯特鎮國

公推河厄魯特一等台吉各一人二班土謝圖

汗及部內輔國公一等台吉各一人賽因諾顏

部內親王貝勒鎮國公各一人輔國公二人一

等台吉四人車臣汗部內郡王一人鎮國公二

人輔國公一人一等台吉三人扎薩克圖汗部

內鎮國公一人輔國公二人一等台吉四人賀

蘭山厄魯特郡王鎮國公各一人三班車臣汗

及部內貝勒輔國公各一人一等台吉四人土
謝圖汗部內親王郡王貝子各一人輔國公二
人一等台吉四人扎薩克圖汗部內鎮國公一
等台吉各一人賽因諾顏部內輔國公二人一
等台吉三人烏蘭烏蘇厄魯特貝子一人四班
賽因諾顏扎薩克親王及部內郡王貝勒鎮國
公各一人輔國公三人一等台吉二人車臣汗
部內親王貝勒貝子鎮國公各一人一等台吉

四人土謝圖汗部內貝子輔國公一等台吉各

一人扎薩克圖汗部內鎮國公一人輔國公四

人一等台吉一人○青海分四班一班厄魯特

郡王貝子各二人鎮國公一等台吉土爾古特

一等台吉各一人二班厄魯特貝勒輔國公各

一人一等台吉三人回特輔國公土爾古特一

等台吉各一人三班厄魯特親王一人輔國公

二人一等台吉三人土爾古特一等台吉一人

四班厄魯特郡王貝子各一人一等台吉四人
土爾古特一等台吉喀爾喀一等台吉各一人
○都爾伯特西藏不分班閱數年奏請得

旨則來覲

凡貢期喀爾喀厄魯特土爾古特青海各如其
朝覲之班西藏間年一貢附達賴喇嘛以進貢
道喀爾喀厄魯特土爾古特由張家口獨石口
喜峯口青海由西寧西藏由四川之打箭鑪貢

物喀爾喀厄魯特以駝馬湯羊土爾古特青海
以藏香氍毹馬西藏貢與達賴喇嘛同

詳典屬司

凡俸幣喀爾喀三汗都爾伯特汗俸各二千五
百兩幣四十世子俸千五百兩幣二十八品官
俸二十兩達爾漢奉

旨給俸者與八品官同加幣四游牧察哈爾有職任
官按品給全俸無職任者半俸親王以下俸幣
及燕饗賞賚餼廩牧芻均與漠南二十四部落

同汗之賞賚廩芻與親王同世子與郡王同

凡澤卜尊丹巴胡圖克圖之貢以九白白駝一

白馬八

喀爾喀之車臣汗
土謝圖汗隨之

歲一遣使貢道與喀

爾喀同其番僧入貢者紅山報恩寺五年一貢

貢道由莊浪衛圓覺等二十六寺分四班三年

一貢貢道由岷州衛貢物各以馬及延壽果青

木香之屬西寧瞿曇等九寺西納演教寺河州

弘化等寺均入貢貢無常物亦無定期或力不

能來即交所在有司官轉進貢使還賞澤卜尊
丹巴胡圖克圖銀幣番僧表裏各有差

徠遠清吏司

國家既平準噶爾凡天山以南諸回部素為準夷
所苦者一時如解倒懸歸仁恐後厥後餘孽未
靖逆回負

恩構亂致煩征討

天戈所指臣服彌遐拓西域版圖數萬里而遙今自

嘉峪關以外舊部若哈密若闐展吐魯番新疆
若哈拉沙拉若庫車若沙雅爾若賽里木若拜
若阿克蘇若烏什若喀什噶爾若葉爾羌若和
闐若布星羅同屬內地其哈薩克之左右部布
魯特之東西部以及安集延瑪爾噶朗霍罕那
木干塔什罕拔達克山博羅爾愛烏罕奇齊玉
斯烏爾根齊等部列我藩服並隸所司

凡疆理哈密東至塔爾納沁接喀爾喀界西至

喀拉都伯通吐魯番界西南至半池泉星星峽
博羅特口接安西府界南至沙磧北至天山接
巴里坤界城二舊城周四里新城周里許堡五
曰蘇門哈爾輝曰阿思他納曰桃和氣曰喀拉
都伯曰拉卜楚喀至京七千百八十里○闢展
東至塔庫西至伊拉里克接哈拉沙拉界南至
沙磧北至博克達山接天山北路界城一周里
許所屬城村二十有九最著者曰吐魯番至京

八十百有十里○哈拉沙拉東至烏沙克他爾

出蘇巴什山口東南至察罕通格出那林氣拉

山口接闡展界西至第納爾河接庫車界北至

天山踰山接烏魯木齊界南至沙山入沙磧城

二舊城在海杜河西新城在特博爾古西所屬

城村十有五最著者曰庫爾勒曰布古爾至京

九千一百里○庫車東至第納爾河接哈拉沙

拉界西至鄂根河

一名渭
甘河

接賽里木界南至鄂

根河接沙雅爾界北至額什克巴什山通伊犁
界城一周四里六分六釐至京萬有八十里○
沙雅爾東至托衣坡羅的接哈拉沙拉界南至
特里木濱大河西至荅阿什根科接阿克蘇界
北至鄂根河接庫車界城一周二里許北距庫
車城百五十里至京萬二百三十里○賽里木
東至赫色爾河接庫車界西至哈拉烏蘇接拜
界南至穆薩爾河踰河接沙雅爾西南境外界

北至天山踰山接伊犁西北路界城一周一里
九分在赫色爾河西四十里東北距庫車城二
百十里所屬村莊十有一至京萬二百九十里
○拜東至哈拉烏蘇接賽里木界南至穆薩爾
河踰河接沙雅爾西南境外界西至沙拉爾岱
接阿克蘇界北至天山踰山接伊犁西北路界
城一踞山岡周一里三分在哈拉烏蘇西三十
里賽里木西九十里所屬村莊二十有二至京

萬三百八十里○阿克蘇東至雅爾漢接拜界

西至遮爾格吉克得通烏什界北至他木哈他

什通伊犁界南至喀什噶爾河城四踞高崖二

三十丈四城連峙每城周里許東西南三面環

一大城垣垣外以溝界之東距雅爾漢三百二

十里所屬村莊三十有六至京萬七百九十里

○烏什東至噶斯漢接阿克蘇界西至色波爾

拜通喀什噶爾界南至庫魯克山踰山通葉爾

羗和闐北路界北至天山踰山通伊犁西北路
界城一周三里二分南踞高崖北帶長流在阿
克蘇西境遮爾格吉克得西九十里所屬村莊
十有一至京萬九百九十里○喀什噶爾東至
阿爾古通烏什界東南至赫色爾布依通葉爾
羗界西北皆至蔥嶺通布魯特安集延界城一
周四里餘在巴爾昌西南百四十里烏什西南
九百三十五里所屬城村十有六最著者曰英

阿薩爾至京萬一千九百二十五里○葉爾羌
東至查特齊林接阿克蘇界西至他克布依入
蔥嶺通拔達克山界東南至皮雅爾瑪接和闐
界北至喀什噶爾河接喀什噶爾界城一周十
餘里凡六門東道由阿克蘇八百里西道由喀
什噶爾五百里至其地所屬城村甚多最著者
二十有七至京萬二千四百二十五里○和闐
東至克里雅河入沙磧西至皂瓦河接葉爾羌

界南至南山北盡和闐河接阿克蘇界城六曰
伊立齊曰哈拉哈什曰玉隴哈什曰齊喇曰塔
克曰克里雅至京萬二千百五十里

凡部長回部之久經內屬者一如蒙古之制設
扎薩克以理旗務哈密以功晉郡王品級貝勒
一人闡展郡王一人其哈拉沙拉以西諸回城
皆設伯克伯克之秩以三品至七品為差其綜
理城村庶務者曰阿奇木伯克伊沙噶伯克貳

之掌田賦者曰噶雜那齊伯克尚伯克職掌同

回民買賣田宅產業掌其質劑平其爭訟兼收

其稅入者曰密圖瓦里伯克整飭回教者曰摩

提沙布伯克掌兵馬冊籍兼遞送文檄者曰都

管伯克理刑名者曰哈子伯克導水泉以資灌

溉者曰密拉布伯克董匠作營造之事曰訥克

布伯克又有明伯克以分領回衆頭目有阿爾

把布伯克以司徵比有巴濟格爾伯克以評市

價有克勒克雅拉克伯克以權商稅有雜布提

摩克塔布伯克以掌經典有什呼爾伯克以供

行人芻糧路費有巴克瑪塔爾伯克以典園林

蔬果有達魯罕伯克以警斥堠有帕提沙布伯

克以司巡邏偵緝及主守罪人有塞衣得里伯

克以平治道塗哈拉沙拉三品四品伯克各二

人五品六品伯克各四人七品伯克十人

分設於庫

爾勒布古爾

庫車三品四品伯克各一人五品六品

伯克各二人七品伯克十有四人沙雅爾三品
伯克一人四品五品伯克各二人六品伯克一
人七品伯克六人賽里木三四五六品伯克各
一人七品伯克二人拜四五六品伯克各一人
七品伯克三人阿克蘇三品四品伯克各一人
五品伯克二人六品伯克六人七品伯克三十
四人烏什三品四品伯克各一人五品伯克二
人六品伯克六人七品伯克二十八人喀什噶

爾三品伯克一人四品五品伯克各七人六品
伯克二十七人七品伯克十有七人葉爾羌三
品伯克一人四品伯克四人五品伯克十有四
人六品伯克二十四人七品伯克八人和闐三
品伯克一人四品伯克六人五品伯克五人六
品伯克七人七品伯克三十一人管理臺站回
子頭目哈密阿克蘇喀什噶爾葉爾羌和闐各
一人闡展哈拉沙拉各二人

凡戶口以乾隆二十六年版籍計之闡展千八百六十三戶八千二百四十口哈拉沙拉千一百三十戶四千五百二十口庫車八百十有五戶二千六百十口沙雅爾四百二十戶千二百十口賽里木五百四十九戶千六百七十口拜四百八十三戶千二百七十口阿克蕪五千七百五十三戶萬八千六百口烏什二千九百六十七戶萬二千六百三十口喀什噶爾萬五千

五百有六戶五萬五百四十口葉爾羌萬五千
有二十五戶六萬四百五十口和闐萬三千八
百三十八戶四萬三千五百十口各有奇

凡權量回俗以內地重十斤者為一查拉克八
查拉克為一噶爾布爾八噶爾布爾為一帕特
瑪計一帕特瑪之數得內地倉斛五石三斗其
錢曰普兒計一普兒之重得內地庫平二錢直
銀一分每普兒百文為一騰格直銀一兩○普

兒以紅銅為之其輪廓孔方鼓鑄之法一如內地而用乾隆通寶漢字以葉爾羌阿克蘇諸地名回字附於背

凡田賦回地不計頃畝率以籽種為度官田歲徵其十之五次者十之二民田十之一厥有常額所納來牟穀糜之屬不一色惟其土之宜各回城同喀什噶爾葉爾羌和闐於歲糧之外並徵普兒有差

凡雜賦銅鉛以供鼓鑄硝硫黃以供軍器火藥

棉花紅花以供織染

多則變價歸公

水碓之徵雜糧與

普兒各半果園之徵本色與折色各半○權稅

外藩商人在回部貿易者三十分抽一皮幣二

十分抽一回部商人自外藩貿易者二十分抽

一皮幣十分抽一其牲畜貨物不及抽分之數

者視所直低昂以普兒折算

凡土貢哈密以乾瓜葡萄紬帕佩刀開展同關

展之羅布淖爾以哈什翎毛水獺皮喀什噶爾
以黃金綠葡萄金絲段毛毯及木瓜蘋果秋梨
石榴諸果品葉爾羌以黃金葡萄和闐以黃金
歲有常額和闐之哈拉哈什玉隴哈什以玉無
常額

凡駐劄哈密大臣二人軍臺筆帖式四人

皆委署下

同闡展大臣一人軍臺筆帖式十有三人哈拉
沙拉大臣一人筆帖式二人軍臺筆帖式九人

庫車大臣一人兼轄沙雅爾筆帖式二人軍臺
筆帖式十人賽里木侍衛一人兼理拜城軍臺
筆帖式三人阿克蘇大臣二人兼轄賽里木拜
城侍衛十人隨印司官一人筆帖式一人理回
官一人筆帖式二人軍臺筆帖式十有四人烏
什大臣一人侍衛一人坐卡官三人筆帖式一
人喀什噶爾大臣二人侍衛十有二人隨印司
官一人筆帖式二人理回官一人筆帖式一人

軍臺筆帖式二人英阿薩爾侍衛一人軍臺筆帖式三人葉爾羌大臣二人侍衛十有五人隨印司官一人筆帖式二人理回官一人筆帖式一人軍臺筆帖式十有七人和闐總兵官一人軍臺筆帖式四人大臣由

特簡候

旨輪替侍衛官員筆帖式三年更代如制

凡兵防哈密駐兵五百名哈密之塔爾納沁二

百名開展五百名哈拉沙拉七百名庫車二百

六十名賽里木百五十名阿克蘇八百名

內馬兵四

分之烏什百五十名喀什噶爾九百名

馬兵三之一

所屬之英阿薩爾四百名

馬兵半之

葉爾羌九百名

馬兵三之一

和闐二百名皆以綠旗兵有馬兵駐防

者則滿洲索倫綠旗兵兼設○臺站卡倫嘉峪

關至哈密千四百七十五里設臺二十一哈密

西路至開展九百八十里設臺十有二開展至

吐魯番二百四十里設臺三吐魯番至庫車千
七百九十里設臺二十一庫車至阿克蘇六百
九十里設臺八阿克蘇至葉爾羌千一百七十
里設臺十有七阿克蘇西路至烏什二百四十
里設臺二葉爾羌西路至喀什噶爾四百九十
里設臺七葉爾羌南路至和闐六百五十里設
臺六每臺設回民十戶綠旗兵五名駝四隻馬
十五匹有可通車行者設車二兩以營員及筆

帖式領之卡倫駐守則視其地之大小簡要為差滿洲回兵叅用以侍衛統之

凡回部王貝勒俸幣與蒙古之制同伯克則按其品級而授之地三品給二百帕特瑪籽種地種地人百名四品百五十帕特瑪籽種地種地人五十名五品百帕特瑪籽種地種地人三十名六品五十帕特瑪籽種地種地人十有五名七品三十帕特瑪籽種地種地人八名○駐劄

大臣給養廉銀口糧官弁兵丁給薪水銀口糧各有差

凡移駐伊犁之回民設三品四品伯克各一人五品伯克二人六品伯克一人七品伯克七人以掌其耕種畜牧之政戶口以乾隆二十七年版籍計之得戶千三百三十有二計口三千百四十有奇

凡外藩朝貢哈薩克左右部布魯特東西部安

集延瑪爾噶朗霍罕那木干四城塔什罕拔達
克山博羅爾愛烏罕奇齊玉斯烏爾根齊諸部
落汗長皆重譯來

朝遣使入貢或三年或間年無常期厥貢罽刀馬
匹

理刑清吏司

國家控馭藩服仁至義盡爰按蒙古土俗酌定律
例以靖邊徼死刑之外罪止鞭責不及流徙統

於罰例

凡罰例以五論者犍牛一乳牛一犛牛

二歲牛

一

犛牛

三歲牛

二以九論者馬二犍牛二乳牛二犛

牛二犛牛一

去二馬為一七

至九九而止罰馬者自五

至百而止○因公犯罪蒙古王等應罰馬百或

九九牲畜貝勒貝子公應罰馬七十或七九牲

畜台吉應罰馬五十或五九牲畜者皆罰俸一

年王等應罰馬四十或五九牲畜貝勒貝子公

應罰馬三十或四九牲畜台吉應罰馬二十或
三九牲畜者皆罰俸九月王等應罰馬三十及
二十或三九牲畜貝勒貝子公應罰馬二十及
十有五或二九牲畜台吉應罰馬十或一九牲
畜者皆罰俸六月王等應罰馬十或一九牲畜
貝勒貝子公應罰馬七或一七牲畜台吉應罰
馬五或一五牲畜者皆罰俸三月如犯私罪及
所犯雖公而本秩無俸者仍依本法○應罰馬

匹牲畜除給主外餘交扎薩克辦公充賞每年
彙奏一次

凡死罪由扎薩克審明報院由院會三法司定
擬具奏其應監候秋後處決者刑部秋審時會
滿九卿議奏減等者倉發鄰近盟長給効力台
吉為奴

凡重囚繫科爾沁扎賴特杜爾伯特郭爾羅斯
敖漢奈曼扎魯特喀爾喀左翼土默特喀喇沁

旗分者送八溝理事同知監禁繫翁牛特巴林
阿祿科爾沁克西克騰烏朱穆秦阿霸垓蒿齊
忒蘇尼特阿霸哈納爾及喀爾喀土謝圖汗車
臣汗西套厄魯特旗分者送多倫諾爾理事同
知監禁繫歸化城土默特四子部落喀爾喀右
翼吳喇忒毛明安鄂爾多斯及喀爾喀扎薩克
圖汗賽因諾爾部落親王旗分者送歸化城理
事同知監禁

凡聽訟邊內人在邊外犯罪依刑部律邊外人在邊內犯罪依蒙古律八旗游牧察哈爾有犯均依蒙古律治罪

凡疑獄及犯罪應罰而無力者均令設誓完結
銀庫

舊制蒙古王台吉等來

朝由戶工二部及光祿寺備器用具廩餼自康熙四十六年建立銀庫設官經理計賓館所需按

直給貲以惠遠人

凡庫帑額貯賓館廩給銀五萬兩薪芻銀五千兩於戶部支領歲或一支或再支視人數之衆寡若頒給等次視爵秩之崇卑以為差

詳見王會柔遠

二司則例

凡奏銷下嫁蒙古公主郡主等館於

京師擢侍

御前之額駙台吉及來

朝公主額駙王公台吉給過廩餼薪芻月要其數
具奏歲一會計列冊具疏以

聞

欽定大清會典卷八十

欽定大清會典卷八十一

都察院

左都御史滿漢各一人左副都御史滿漢各二人
掌察覈官常整飭綱紀右都御史右副都御
史均為督撫兼銜○經歷滿漢各一人都事滿漢各一
人筆帖式十人

給事中滿漢各十有二人掌傳達

綸音稽考庶政○吏科掌印給事中滿漢各一人給事中滿漢各一人分稽銓衡注銷吏部順天府文卷○戶科掌印給事中滿漢各一人給事中滿漢各一人分稽財賦注銷戶部文卷○禮科掌印給事中滿漢各一人給事中滿漢各一人分稽典禮注銷禮部宗人府理藩院太常寺光祿寺鴻臚寺國子監欽天監文卷○兵科掌印給事中滿漢各一人給事中滿漢各一人分稽

戎政注銷兵部太僕寺鑾儀衛文卷○刑科掌
印給事中滿漢各一人給事中滿漢各一人分
稽刑名注銷刑部通政使司大理寺文卷○工
科掌印給事中滿漢各一人給事中滿漢各一
人分稽工程注銷工部文卷○筆帖式吏科戶
科兵科刑科各十有五人禮科工科各十人
監察御史滿漢各二十八人

宗室二人蒙古二
人在滿御史額內

掌糾劾官邪條陳治道○京畿道掌印監察御

史滿漢各一人監察御史滿漢各一人分理院
事及直隸

盛京刑名稽察內閣順天府大興宛平縣○河南
道掌印監察御史滿漢各一人監察御史滿漢
各一人分理河南刑名照刷部院諸司卷宗稽
察吏部詹事府步軍統領五城○江南道掌印
監察御史滿漢各一人監察御史滿漢各三人
分理江南刑名稽察戶部寶泉局宣課司左右

翼監督在京十有二倉總督漕運磨勘三庫月
終奏銷之籍○浙江道掌印監察御史滿漢各
一人監察御史滿漢各一人分理浙江刑名稽
察禮部都察院○山西道掌印監察御史滿漢
各一人監察御史滿漢各一人分理山西刑名
稽察兵部翰林院六科中書科總督倉場坐糧
廳大通橋監督通州二倉○山東道掌印監察
御史滿漢各一人監察御史滿漢各二人分理

山東刑名稽察刑部太醫院總督河道催比五
城命盜案牘緝捕之事○陝西道掌印監察御
史滿漢各一人監察御史滿漢各一人分理陝
西刑名稽察工部寶源局覈勘在京工程○湖
廣道掌印監察御史滿漢各一人監察御史滿
漢各一人分理湖廣刑名稽察通政使司國子
監○江西道掌印監察御史滿漢各一人監察
御史滿漢各一人分理江西刑名稽察光祿寺

○福建道掌印監察御史滿漢各一人監察御史滿漢各一人分理福建刑名稽察太常寺○四川道掌印監察御史滿漢各一人分理四川刑名稽察鑾儀衛○廣東道掌印監察御史滿漢各一人分理廣東刑名稽察大理寺○廣西道掌印監察御史滿漢各一人分理廣西刑名稽察太僕寺○雲南道掌印監察御史滿漢各一人分理雲南刑名稽察理藩院欽天監○貴

州道掌印監察御史滿漢各一人分理貴州刑
名稽察鴻臚寺○筆帖式京畿道江南道各三
人河南浙江山西山東陝西湖廣江西福建四
川廣東廣西雲南貴州道各二人

巡視五城分中東南西北每城給事中或御史

滿漢各一人

於六科十五道內
奏委二年更代

掌彈壓地方釐

剔姦弊其屬兵馬司指揮副指揮吏目各一人
凡憲綱左都御史給事中御史皆許風聞言事

事關

朝政得失民生利弊大臣徇私翫法不飭蓋蓋並
聽據實陳奏摭拾陳言及瑣屑傷治體者不得
瀆告○官民冤枉所司不受理及受理不得伸
者許赴院陳懇鞫實大事奏請

上裁小事立予昭雪○奏章奉

旨後給事中錄送吏科御史錄送京畿道封貯如奉
旨褒獎或經

訓飭備著於冊三年一次進

呈

凡科鈔中外疏章既上

旨下內閣日以給事中一人詣內閣祇領分致各科

備錄

諭旨及原疏發所司奉行豫定注銷日期事涉數衙
門者以主彙衙門為正鈔會稿及應關白之衙
門為外鈔鈔畢別錄二通敬謹較對鈐蓋印信

一送內閣曰史書一貯科垣曰錄書歲終還原
疏於內閣

凡封駁奉

旨事理確有未便施行者封還執奏閣臣擬

旨批答字句舛錯部院督撫疏章事有謬誤者並聽
駁正

凡頒給

勅書直省總督巡撫由吏科總督漕運總督倉場坐

糧廳監督各關監督各鹽政由戶科學政由禮
科提督總兵官由兵科總督河道及各關監督
之隸工部者由工科均於

午門外授本官祇領如由外任升轉給該省提塘
官齎往往滿各送科繳內閣

凡掌察部院諸司所治之事以六科十五道分
掌稽察月以已結未結之數兩次具冊分送注
銷月終各具題○直省督撫題達之案具揭各

科道察覈事有難結者歲終彙題呈漏及易結
不結者劾○宗人府以宗室御史二人內務府
以滿御史二人專司稽察別給印信注銷具題
同○八旗各以滿給事中或御史一人稽察月
一注銷月終奏

聞滿洲蒙古漢軍同○八旗暨九卿奉

旨會議之事以滿漢御史各一人稽察無故不到者
劾○巡視五城科道審理之事歲委滿漢御史

各一人督催月具冊申院送刑部者兩月具題
○五城賑濟平糶左都御史左副都御史分城
親察以絕弊端

凡考覈中外文武官三歲京察大計五歲軍政
均由本院吏科兵科京畿道會吏兵二部覈實
具疏○宗人府吏部有奉

旨議處之事由院咨取職名定議○各關監督任滿
由戶科考覈○鹽政任滿由京畿道考覈○驗

視月選官列掌印給事中御史名咨吏部奏請
簡命滿漢各二人隨班察覈○文職司道以下武職
副將以下由吏兵二科給與赴任文憑違限者
劾○五城司坊官三年俸滿堪列薦剡者巡城
科道詳具政蹟申院覈實咨吏部引

見

凡監試順天鄉試禮部會試外場以滿漢御史
各二人外簾同內簾各一人

殿試各二人順天武鄉試兵部會試外場兼外簾
滿漢御史各二人會試內簾一人

殿試各二人考校見任筆帖式考取中書官學教
習各館膳錄生選拔貢生

朝考貢監生考授職銜均滿漢御史各一人有潛
通關節懷挾及傳遞文字冒名代考武場選入
好字號覆校技勇不符者並劾○順天府考試
文童滿漢御史各一人會府丞審音劾冒籍者

凡獄獄重囚審案

勅下三法司會覈定擬者虛公擬斷期於明允或所見不同往復詳議以歸一是若始終不能畫一許兩議並陳恭候

上裁不得一衙門為一議及用夾單申明前議指駁後議○刑部見審之犯罪應死者承審司官錄初供移知該道定期滿漢御史各一人至刑部會大理寺官公審既定讞左都御史左副都御

史會刑部大理寺堂官詳審覈擬具題不得據
稿定擬草率從事○秋審給事中御史皆與議
御史不掌印者則分省與議

朝審給事中及各道之掌印者與議

京畿道不掌印亦與秋

審勾決由各道具題刑科覆奏

朝審勾決由京畿道具題刑科三覆奏均候

命下各道御史齎本授刑部施行

朝審決囚刑科給事中監視行刑○熟審期內薄

刑小罪院道皆與議○刑部獄囚及各門枷犯
每月滿漢御史各一人稽察

凡侍儀

朝會

御殿左都御史左副都御史均於

殿檐下西第三柱序立

躬祀

壇

廟滿漢各一人於西南隅序立

凡糾儀

朝會

御殿以滿御史十有四人漢御史八人

皇帝率羣臣詣

皇太后宮行禮以滿御史四人漢御史六人

御門給事中御史滿漢各二人

御經筵給事中御史滿漢各一人

車駕出入午門

耕藉

常朝坐班

天安門宣

詔

午門

頒朔

頒賞中式舉人進士詣

闕謝

恩均滿漢御史各二人有紊越班行言語喧嘩威儀
不肅者劾○

壇

廟祭祀以滿漢御史各四人告祀各二人救護

日

月食各四人祈雨報祀各二人祭祀宰牲監視各一
人有臨事不共牲幣不潔或刑餘喪服有隱疾

之人濫與祀典齋期有違戒令齋宿不於其所
及行禮失儀者並劾

凡差遣巡視鹽政長蘆河東兩淮各一人均給
勅書一年更代○巡察

京師通州十有四倉每倉給事中或御史一人一
年更代○巡視漕運以給事中或御史瓜儀濟
寧每處一人楊村通州每處二人

舊駐淮安今
移瓜儀舊駐

天津今
移楊村歲以次奏請各給關防事竣復

命濟寧巡漕兼理疏濬運河之事○巡察

盛京吉林黑龍江各以滿給事中或御史一人福
建臺灣府以給事中或御史滿漢各一人均閱
三年奏請候

旨差遣事竣復

命○稽察宗人府銀庫理藩院內外館銀庫鄂羅斯
來京貿易各以滿給事中或御史一人銀庫三
年期滿奏請更代餘事竣即還○給事中御史

奉旨離任在一年外者題請署理一年內者由院委署先奉差不離任繼奉別差離任其任其差署理亦如之

凡升遷給事中御史三年內升滿漢各一人外

轉

宗室不與

各一人由院覆無降革事故者序俸列

疏並彙其任內敷陳奏章繕冊進

呈候

旨簡用○六科給事中員闕由院列御史無降革事

故者咨吏部引

見簡用○科道掌印六科及京畿河南兩道由院於給事中御史內簡選正陪疏請補授餘以本道見任資深者轉補

凡五城地方各以巡視科道為統轄官指揮為專管官副指揮吏目為分管官各治一坊中城中西中東二坊東城崇南朝陽二坊南城東南正東二坊西城宣南關外二坊北城日南靈中

二坊

凡條教每月朔望巡城科道率司坊各官集衆於公所令鄉約一人宣講

聖諭孝父母敬長上睦鄉里教子孫各安生理毋作非為

凡辭訟司坊各官分職而理各依限審訊錄供詳報應解審者解犯送本城覆審定議完結事有疑實駁令再審不得草率結案徒罪以上槩

送刑部每月二次以已結未結之數造冊申院
注銷

凡禁令首嚴邪教傳造妖言私銷私鑄聚衆開
窩燒炭及書吏招搖朮法役滿逗遛寺院坊店
容留行踪詭秘之人巡城科道率所屬隨時稽
察以儆姦邪至於使酒罵街見即逮治不得以
地非所屬過而不問

凡平糶五城各設厰二遇米價騰貴由戶部奏

請酌撥京倉成色米分給各城減價平糶巡城
科道率指揮副指揮經理其事

凡賑濟歲於十月初一日至次年三月二十日
每城各設廠二日支京倉米二石柴薪銀一兩
煮飯以振貧民巡城科道率指揮副指揮吏目
經理其事

凡棲流所中東南北城各一西城二流民無依
及衢巷卧病者總甲即報指揮悉令入所日給

薪米病給醫藥冬給絮衣布被病故者給棺木
巡城科道以時親察勿致屯膏

凡承追承緝承變承驗傷痕並內外問刑衙門
行提人犯或遞解回籍及各公事差委令副指
揮吏目分任驗屍專委指揮

通政使司

通政使滿漢各一人副使滿漢各一人叅議滿
漢各一人掌達天下奏章○經歷滿漢各一人
知事滿二人掌出納文移○筆帖式滿六人漢
軍二人掌繙譯登聞鼓筆帖式滿一人漢軍一
人

凡內外臣工封事許自達其陳事之疏在京徑
送內閣在外皆郵遞至司移送內閣進

呈

御覽

凡疏章定式每幅六行行二十格平行空二格
疏語稱

宮殿者上一格稱

皇帝

上諭稱

旨稱

御者上二格稱

天地

宗廟

山陵

廟號

列祖諭旨者逾格一字首列官銜姓名末書年月日鈐
以印別紙摘錄疏中要語黏於疏尾曰貼黃
凡疏章不拘字數期於辭達其頌而諛繁以支

者禁之

凡上疏陳事在內由部院堂官在外由將軍督撫提鎮餘令上司官代奏毋得越職陳事

凡接受疏章設案於堂正中經歷知事二人左右侍立通政使或副使叅議一人出聽事至案側齋奏人奉疏及雷跪經歷恭接陳案上退迺校閱封送內閣五日後以隨疏齋到之牒應致各部院者授提塘官分投

凡馳奏程限由具疏官計程刻日登注文內鈐印申司覈驗違限者罪坐所由失注日期者並劾之如雨潦阻行致逾定限由所在官司具結申司者免議

凡封發疏章篋內污損議處具疏之官篋外污損有專差者罪奉差官吏無專差者罪驛遞官役其錯誤遺漏及不合體式者由司勘明重則參處輕則請

旨飭行

凡軍民實有冤抑所司不受理擊登

聞鼓陳訴者

初專設登鼓院後裁隸本司

聞

由司覈實奏

聞得

旨下所司昭雪誣控越訴者論如法

大理寺

卿滿漢各一人少卿滿漢各一人掌平反重辟以貳邦刑

左寺正滿一人漢軍一人漢一人評事漢一人
右寺正滿一人漢軍一人漢一人寺副漢一人
評事漢一人分掌

京師五城順天府屬直省府州縣衛死罪之刑

堂評事滿一人掌文案○司務滿漢各一人掌

收發文移○筆帖式滿四人漢軍二人掌繙譯
凡直省重辟寺受各省牒下其事於左右寺司
讞者準律定讞卿受其中埃刑部簡正旣字致
辭於寺廼叅覈焉議合者弊之不合者反之刑
部重辟囚以左右寺司讞者暨御史會刑司察
其辭辨其死刑之罪而要之致辭於卿廼詣刑
部暨都御史會聽之各麗其法以議獄議合者
弊之不合者覆之必盡合廼會疏互異者各疏

所見以

聞

凡秋審直省候決之囚刑部會其獄成寺受而覈之歲以八月會九卿詹事科道於

天安門外察於獄辭之麗而求其情別其情實者緩決者矜疑者會疏以

聞以為處決留繫減等之差

凡

朝審刑部候決之囚歲以霜降後旬日出囚於

天安門外會九卿詹事科道察於獄辭之麗而質

訊之別其情實緩決可矜疑者與秋審同

凡熟審每歲小滿後旬日刑部小大之獄以左

右寺官暨御史會刑司聽之質其成於卿宰者

免杖者折減荷校者暫釋俟立秋決旬一會疏

俾夏暑無留獄至立秋前一日迺歲事

欽定大清會典卷八十一



總校官候補中書臣吳紹潔

校對官編修臣莫瞻菴

謄錄監生臣江潮